

Veiz Gvanghmingz dwg daeglwg ranz bouxguh hong lajmbanj. Daxboh hawj de an aen mingzcoh neix dwg muengh de baenzmbauq le diuzloh baihnaj de ronghsagsag, ndaej hawj cojgoeng ndaw ranz ceng aennaj.

Veiz Gvanghmingz hix caen dwg yienghneix dahraix, daj de haeuj hagdangz doegsaw daeuj, cingzciik de itcig baiz youq ndaw ban mingz daih-it, mbouj miz haggeiz lawz mbouj lingx ndaej ciengjjang ma ranz. Yienghneix, mbouj gag dwg bohme de miznaj dangqmaz, couh lienz gyoengqvunz ndaw mbanj, hix gig hozhaenz de, vunz raen vunz haenh. Caezgya cungj gangjnaeuz, daeglwg neix majhung le, itdingh guh ndaej bae.

Caen dahraix, Veiz Gvanghmingz ndaej 17 bi bihaenx, camgya cungh-gauj, gauj ndaej cunghconh, bae aen nungzyau ndeu doegsaw. Doeg baenz 3 bi saw le, faenboiq ma ndaw yienh nungzyezgiz gunghcoz.

Ngamq daeuj sevei camgya gunghcoz, Veiz Gvanghmingz hix caen buekmingh laemxsim bae guhhong. De roxyiuj, de dwg daeglwg ranz boux-guh hong lajmbanj, de miz ngoenzneix caen dwg mbouj yungzheih. De yaek guh ok di cingzciik daeuj, hoizbauq sevei, bauqdap aencingz bohme de. De dingqcoengz lingjdauj anbaiz, caenh-sim haeujsim bae guh bonjfaenh, ndaej daengz lingjdauj yawjnaek. Mbouj geij bi, Veiz Gvanghmingz couh daj boux gunghcoz yinzyenz bujdungh ndeu, daezswng hwnjbae guh ban-gunghsiz cujyin lo.



Daj Veiz Gvanghmingz dang cujyin le, de couh lumj bienqbaenz lingj boux vunz lo. De caiq hix mbouj lumh daeglwg ranz bouxguh hong lajmbanj haenx mbaet gwn mbaet yungh lo. Aenvih ndaw fwngz de gaem miz cienz, danhfanz guh yienghlawz de cungj gig gyanggiu. Lumjnaeuz buhvaq yaek daenj mingzbaiz, citien yaek cit ien bengz, okdou yaek miz ci naengh, lij ciengzseiz haeujok fanden ciujlouz caeuq ding KTV, cungj baijdaeuz de caeuq boux daeuzlaux doxlumj caez.

Veiz Gvanghmingz cungj baij-daeuz neix, bohme de yawj youq ndaw da, you youq ndawsim, seiz mbouj seiz daezsingj de naeuz: “Daeggo ha, rox dwg vunz lajmbanj, miz faenh haeuxvuengz gwn caen mbouj yungzheih, mwngz roxhit gag guh bw! Lumj mwngz lingx faenh

gunghswh neix, baenzlawz ndaej yienghneix daihsaengq gvaq saedceij ne? Vahsug gangj, siujsim cau h ndaej ruz fanh bi.” Veiz Gvanghmingz dingq bohme de yienghneix gangj, mbouj-danh mbouj dawz haeuj sim bae, caemhcai q nyinhnaeuz bohme de vahraemh lai, gaenq gaen mbouj ndaej seizdaih lo.

Gyoengq beixnuengx ndaw mbanj raen Veiz Gvanghmingz cungj baij-daeuz neix, miz boux simndei hix ciengzseiz daezsingj de naeuz: “Gomingz, guh saeh yaek guh doek-daemq di, mbouj ndaej guh ndaej angj lai, yienghneix saedceij cij gvaq ndaej an’ onj bw!” Veiz Gvanghmingz dingq le, cij riu mbouj gangj vah, dangq guh rumz biu gvaq rwz, hix mbouj dawz haeuj sim bae, ciuqyiengh maij baenzlawz guh couh baenzlawz guh.

Yienghneix, couh mizmbangj vunz youq baihlaeng laeglemx ngeix-lwnh naeuz: “Gaej yawj de seizneix daekeiq dangqmaz, baujmboujcinj seizlawz de daemjndoet mueb hix mbouj rox bw.”

Gij vah neix doeklaeng cienz daengz Veiz Gvanghmingz gizhaenx, de hix mbouj dawz haeuj sim, de ciuqyiengh caeuq baeznaengz ityiengh daih saengq daih sai, naj rongh naj angj. Doiq gyoengqvunz youq baih-laeng ngeixlwnh de, swt hix mbouj swt saek di.

Youh gvaq song sam bi, Veiz Gvanghmingz mboujdanh mbouj aenvih de daih saengq daih sai saetbae maz, dauqfanj daj ban-gunghsiz cujyin daezswng baenz fugizcangj dem.

Cingq youq Veiz Gvanghmingz lumjnaeuz yawjaen diuz loh ciuhvunz baihnaj ronghsag caemhcai q gig daek-eiq fwngfwng seiz, daengx guek haiguh fanjdui fujbai caeuq dizcang lenzcnwng yindung, Veiz Gvanghmingz deng ndaw yienh gijvej ra bae camvah lo. Dingqnyi vunz gangj, daj seizhaenx hwnj couh caiq hix mbouj raen de gvaq lo.

Aen siusik neix cienz baema daengz ndaw mbanj ranz Veiz Gvanghmingz le, gyoengqvunz ndaw mbanj de cungj danqheiq naeuz: “Mbwn guengz miz fwn, vunz guengz miz hux. Caen siengj mbouj daengz Veiz Gvanghmingz miz baenzneix dungxcaiz, daengz doeklaeng lijdwg ranzrongh lij nyouh dwk vaq ne!”

Duz Hanqgim He

一只金鹅

□ Lanx Veisungh / 蓝卫松

Gaxgonq, youq ndaw mbanj miz ranz ndeu miz sam boux daeglwg, lwg ceiq iq haenx miz di huk, ndigah couh heuhguh Daeghuk, de cungj deng song daeggo de haephangz.

Baez he, daeglwg hung yaek bae aeu fwngz, daxmeh hawj de daiq bingjan caeuq laeujmakit bae gwn. Daeglwg hung youq ndaw ndoengfaex bungz daengz bouxlaux ndeu. “Hawj gou gwn bingjan mwngz gaemz ndeu, ndoet gaemz laeujmakit mwngz ndaej lwi?” Bouxlaux neix gangj ndaej hojlien z lai lo. Hoeng daeglwg hung gig ged, de naeuz: “Hawj mwngz gwn gou lij gwn maz? Deuz gya bae!” Doeklaeng de donj faex seiz, ndaek gen de couh deng donj sieng lo.

Ngoenzlaeng, lwg daihngeih hix yaek bae ndaw ndoengfaex aeu fwngz, daxmeh hawj de daiq gij gwn caeuq daeggo de doxdoengz. De lumj daeggo ityiengh, saek di cungj mbouj hawj bouxlaux gwn. Doeklaeng de donj faex couh donj deng diuz ga de lo.

Daeghuk hix caeuq daxmeh gangj yaek bae aeu fwngz, meh de hix hawj de daiq bingjan caeuq laeujmakit. de bae daengz ndaw ndoengfaex, bungz raen bouxlaux caeuq de aeu gijgwn, Daeghuk naeuz: “Danghnaeuz mwngz

mbouj yiemz, raeuz caez gwn doxgaiq neix ba!” Bouxlaux gwn sat, doiq Daeghuk naeuz: “Gou aeu bauqdap mwngz. Mwngz bae raemj go faex geq haenx, doxgaiq ndawde couhdwg hawj mwngz lo.” Daeghuk bae raemj, yaep he go faex haenx couh laemx roengz-daeuj, ndawde gawqyienz miz duz hanqgim ndeu.

Daeghuk daiq duz hanqgim neix yaek dawz haeuj ndawsingz bae gai, byongh loh yawjaen aen diemq, de couh haeuj bae ra gwn gaemz raemx he. Boux lauxbanj miz sam dahlwg, gyoengqde yawjaen duz hanqgim neix, couh guhcaeg yaek gaemh ndaek fwed duz hanqgim neix, siengj mbouj daengz gaiq fwngz gyoengqde cungj deng nem youq gwnz ndang duz hanq-gim neix lo.

Ngoenz daihngeih, Daeghuk laebdaeb byaij roen haeuj singz, bae dawz duz hanqgim de seiz cij raen sam dahlwg lauxbanj cungj youq gizhaenx. De cam: “Beixnuengx a, sou youq gizneix miz maz saeh?” Gyoengqde cijndei dap naeuz: “Dou coengzlaiz mbouj raen duz hanqgim gvaq, siengj caeuq mwngz itheij bae ndawsingz, youq gwnz roen bang mwngz umj duz hanqgim neix,



Guh faengx gvaqciet.

yienghneix mwngz mbouj baeg caemhcai q dou hix ndaej gvaqyinx lo!” Daeghuk hix mbouj ngeiz, couh doengzeiq lo. Doeklaeng sam dahlwg neix couh youq baihlaeng Daeghuk itheij umj duz hanqgim neix hwnj singz bae lo.

Gwnz roen miz boux ciengx vaiz he yawjaen le, yaek aeu cag rag gyoengqde sanq. Hoeng hix deng nem gvaqbae lo. Boux gai noh yawjaen, hix bae rag gyoengqde, doeklaeng hix deng nem hwnjbae. Yienghneix, Daeghuk byaij youq baihnaj, baih-laeng haj boux vunz nem youq itheij umj duz hanqgim he, daeuj daengz ndawsingz lo.

Vuengzdae q cij miz boux dahlwg he, hoeng de cungj mbouj riu gvaq. Vuengzdae q couh nem ok mbaw gunghgau he, gangj bouxlawz dangh-naeuz loengh riu gunghcu j, couh hawj gunghcu j haq hawj de. Daeghuk dingq vunz naeuz gienh saeh neix, couh daeuj daengz baihnaj gunghcu j. Gunghcu j baez yawj gyoengqde haj boux vunz nem youq itheij, couh haha dwk riu hwnjdaeuj. Seizneix haj boux vunz fwt sanq lo.

Doeklaeng, vuengzdae q souj aen hanbak haenx, couh haq gunghcu j hawj Daeghuk lo, caemhcai q lij cienz aen vuengzvih hawj de dem.